

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Segurtasun dispositiboa aktibatu da gaur arratsaldean abiatuko den bigarren Xabierraldirako

Foruzaingoko agenteek eta Babes Zibil, Osasun eta Obra Publikoetako pertsonalak erromesen segurtasuna bermatzeko lan egingo dute, eta Xabierrera iristeko Liedetatik irten eta Zangozan barna ibiltzea gomendatu diete

Ostirala, 2019.eko martxoak 15

Lehendakaritza, Funtzio Publiko, Barne eta Justiziako Departamentuak segurtasun dispositibo integrala aurreikusi du asteburu honetan hasiko den bigarren Xabierraldietarako, pasaden asteburuan egin bezala.

Hauexek izango dira Foruzaingoko agenteen lanaren helburu nagusiak: errepidean zein pista eta bideetan barna ibili edo zirkulatzen duten erromesen segurtasuna bermatzea; zenbait errepidetako bidegurutzeetan trafikoa zaindu eta erregulatzea, eta zirkulazioa kontrolatzea, ibilgailuen joan-etorriak eta bide-segurtasuna bermatu ahal izateko.

Horretarako, Foruzaingoak Bide-Segurtasunaren Dibisioko agenteak izanen ditu, baita Zangozako Komisariako Herritarren Babes eta Arretarako Taldeetatik eta Tuter eta Iruñeko komisarietako Ingurumenaren Babes eta Arretarako Taldeetatik etorritako agenteak ere.

Gainera, Foruzaingoak radarrak jarriko ditu ibilgailuen abiadura zaintzeko eta alkoholemia eta drogen aurkako kontrol prebentiboak eginen ditu. Nafarroako Gobernuaren helikoptero batek ere parte hartuko du dispositibo honetan.

Osasunbidea-Nafarroako Osasun Zerbitzuak igande eta festa-egunetako ohiko guardiako zerbitzua mantenduko du Zangozako osasun zentroan, baina DYako eta Gurutze Gorriko boluntarioekin indartuko da, izan ere, gidariz hornituriko ibilgailu bat jarriko dute osasun zentroaren zerbitzura osasun arretak arintasun osoz egin ahal izateko.

Gainera, Obra Publikoetako Zuzendaritza Nagusiak seinale gehiago jarri ditu ibilgailu gehien biltzen duten errepideetan erromesak igarotzen ari direla jakinarazteko. Azkenik, Nafarroako Errepide-Segurtasunerako Estrategiak berriazko gomendioak ematen dizkie Xabierrera oinez zein bizikletaz joaten diren guztiei. Foruzaingotik gogoratu diete Xabierraldietan gauzez parte hartu behar dutenei arropa erreflektantea erabili behar dutela.

Xabierraldia Iruñeritik

Foruzaingoak gogoratu die erromesei aintzakotzat hartu behar dituztela une oro antolatzaileek, Babes Zibilak, Nafarroako Gobernuko

Errepideen Kontserbaziorako Zerbitzuak zein Pirinioetako Autobidearen (A-21) arduradunek jarritako kartel eta seinaleen jarraibideak.

Iruñeritik abiatzen direnei, Foruzaingoak bidea Noainen hasia gomendatu die hiriburuko trafiko trinkoa saihesteko. Hala ere, nork bere etxetik abiatu nahi izanez gero, ibilbide hau erabiltzea gomendatu du: Iruñetik Sadar kalean barna irten, UHUNen zentroaren ondotik igaro eta Taxoareko errepidean eta herri honetako baratze-eremuan barna ibiltzea, Noaingo bidegurutzeraino.

Gainera, berritasun gisa, aurtengo Xabierraldietan, Xabierrera iristeko, Liedenatik irten eta Zangozan barna ibiltzea gomendatu dute. Helburua erromesen segurtasuna areagotu eta bi herrien arteko ibilgailuen joan-etorriak saihestea da, izan ere, herri horietan osasun arretak eta larrialdiak finkatuko dira.

Trafiko murrizketak eta aparkalekuak

Xabierraldietan erabili ohi diren errepideetan barna ibiltzen diren ibilgailuek honako trafiko murrizketa hauek kontuan hartu beharko dituzte. Zirkulazioa ibilgailu mota guztietarako etengo da NA-5410 errepidean, Zangozako Yamaguchi Hoteletik Xabierrera.

Xabierrera iristen diren autobusak eremu hauetan aparkatu beharko dira: NA-5410 errepidean (Zangoza-Esa), Banderen biribilgunetik Xabierreko Elizbarrutiko Zentroraino, edo NA-5411 errepidean, Xabierreko saihebidetan, Banderen biribilgunetik Misiolarien biribilguneraino. NA-5410 eta NA-5411 errepideetan aparkaturiko autobusak bide berean barna abiatuko dira, Zangozaranzko noranzkoan. Elizbarrutiko Zentroaren erdialdeko lautadan aparkatuta daudenak NA-5410 errepidean barna irtengo dira, Esaranzko noranzkoan.

Autoetarako aparkalekuak Xabierreko Elizbarrutiko Zentroan prestatutako eremuan, Xabierreko saihebidetan eta Xabierren prestatutako eremuetan eta Banderen eremuan finkatuko dira.